

К ОПУБЛИКОВАНИЮ

КОМИ РЕСПУБЛИКАЛӦН

ОЛАНПАС

**«Коми Республикаын сиктса олан пунктъясын старӧстаяслӧн
уджкӧд йитчӧм ӧткымын юалӧм ладмӧдӧм йылысь»
Коми Республикаса Оланпасӧ вежсьӧмъяс пыртӧм йылысь**

Примитӧма Коми Республикаса

Каналан Сӧветӧн

2021 вося ӧшым тӧлысь 15 лунӧ

1 статья. Пыртны «Коми Республикаын сиктса олан пунктъясын старӧстаяслӧн уджкӧд йитчӧм ӧткымын юалӧм ладмӧдӧм йылысь» Коми Республикаса Оланпасӧ (Коми Республикаса канму власьт органьяслӧн индӧд-тшӧктӧмъяс, 2018, 17 №, 293 ст.; 2019, 8 №, 105 ст.; 2021, 3 №, 49 ст.) татшӧм вежсьӧмъяс:

1. 2 статьяса 1 юкӧнын:

1) «овмӧдчӧминьясса,» кыв бӧрын содтыны «муниципальной кытшьясса,» кывьяс;

2) «овмӧдчӧминын,» кыв бӧрын содтыны «муниципальной кытшын,» кывьяс.

2. 4 статьялӧн 1 юкӧнса 2 пунктын «ж» пунктув гижны тадзи:

«ж) дугӧдӧма Россия Федерацияса гражданствосӧ либӧ суйӧрсайса канмулысь – Россия Федерациялӧн войтыркостса сӧрнитчӧмын участвуйтысьлысь гражданствосӧ, мый серти суйӧрсайса гражданинӧс позьӧ бӧрйыны меставывса асвеськӧдлан органьясӧ, эм суйӧрсайса канмулӧн гражданство (подданство) либӧ олӧм вылӧ кабала либӧ мӧд документ, мый эскӧдӧ Россия Федерацияса гражданинлысь либӧ суйӧрсайса гражданинлысь, кодлӧн эм Россия Федерациялӧн войтыркостса сӧрнитчӧм подув вылын меставывса асвеськӧдлан органьясӧ бӧрйӧмаӧн

лоан инӧд, суйӧрсайса канмулӧн мутасын пыр олӧм вылӧ инӧдсӧ, мукӧдтор кӧ абу урчитӧма Россия Федерациялӧн войтыркостса сӧрнитчӧмӧн.».

3. 5 статьялӧн 2 юкӧнса 1 пунктӧ содтыны татшӧм сюрӧса «ж» пунктув:

«ж) сиктса олан пунктын олысьясӧс Коми Республикаын мынтысьтӧг юридическӧй отсӧг сетан канму системаын участвуйтысьяс йылысь юӧрӧн тӧдмӧдан юалӧм серти;».

2 статья. Тайӧ Оланпасыс вынсялӧ сийӧс официальной йӧзӧдӧм бӧрын дас лун кольӧм мысти.

Коми Республикаса Юралысь

В.В. Уйба

Сыктывкар

2021 вося ӧшым тӧлысь 21 лун

153-РЗ №